

DISSERTATIO INAVGYRALIS IVRIDICA,  
DE  
**IVRE RETRACTVS**  
**LEGITIMO,**

VVLGO:  
**Säher-Recht oder Säher-Kauff.**

QVAM  
PRAESIDE  
**DN. IO. CHRISTOPHORO**  
**FALCKNERO,**

I. V. D. ET PROF. P. CELEBERRIMO, CONSILIARIO  
SAXONICO, CVRIAE PROVINCIALIS, FACVLTA-  
TIS IVRIDICAE, ET SCABINATVS ASSESSORE  
LONGE GRAVISSIMO,

**PRIVILEGIA DOCTORALIA**  
LEGITIME CAPESSENDI

IENAE D. XXI. DEC. A. CID IOCLXVIII.

PVBLCO ERVDITORVM EXAMINI EXPOSVIT  
**IO. CHRISTOPHORVS HEINTSCHIVS,**  
NEO-HALDENSCHLEBIENSIS SAXO.

NVNC VERO OB MATERIAE IN FORIS VTILITATEM  
IBIDEM RECVDENBAT

---

**IO. BERNARDVS HELLERVS, 1743.**







## PRAEFAMEN.



*um admodum triste & lugubre sit videre paternas & avitas domos ac antiqua Majorum pradia in extraneas manus transire. arg. l. 38. ff. de R. V. l. 35. ff. de minor. 25. ann. l. 22. §. nec vero domum C. de administ. Tutor. interfit praterea Rerumpubl. familias omnibus conservari modis l. 2. §. antepen. ff. de Vent. inspic. quippe cum harum splendor & dignitas existat, fulcrum & sustentaculum illarum firmissimum arg. text. in Aur. Bull. Carol. IV. tit. 3. in verb. quorum praesidio dextera Imperialis roboratur Bodin. de Republ. lib. 5. cap. 2. Hinc videmus plerisque in locis Germanis, in Gallia, item Hispania & Italia, aliisque in regionibus, teste Tiracquell. tract. de retract. Lin. in praefat. num. 1. & 16. Gail. 2. observat. 19. pr. Novell. Ser. Elect. August. constit. 32. pr. Pingizer. Quaest. Sax. 36. num. 1.*

& seqq. ex generali quadam consuetudine receptum  
esse d. Novell. Elect. August. pr. verb. wo aus Sta-  
tuten oder verwehrter Gewohnheit hergebracht,  
&c. Berlich. conclus. pract. part. 2. conclus. 39.  
num. 15. Carpz. Jurispr. for. part. 2. constit. 31. def.  
2. num. 9. & seqq. *Ult, licet res Majorum in ex-  
traneum quendam interveniente emptionis venditi-  
onis contractu translata sit, nihilominus tamen illis,  
qui ejusdem generis, familia ac prosapia jure censentur,  
detur facultas bona illa distracta, & à familia  
separata, à quocunque possessore revocandi, exsolu-  
torve pretio eadem recuperandi, tribuatur licentia;  
qua facultas (conveniente sane & naturam rei ele-  
ganter exprimente nomine) vocari solet IVS RE-  
TRACTVS legitimum vel gentilitium. Et hac-  
ce materia, cum non modo rara, verum etiam scitu  
simul videatur necessaria, mihi adeo placuit, ut eam  
Inauguralis loco impræsentiarum pertractari di-  
gnam existimaverim. Ad cujus etiam uberio-  
rem meditationem misso longiori verborum anfractu,  
præmissa vero invocatione Nominis Divini, qua ad  
omnia consilia & omnes actus nostros semper pro-  
gredimur l. 2. pr. C. de offic. Præfect. Prætor. pede  
properante pergimus, sperantes bonum initium &  
optimum finem, juxta Gloss. in proœm. Instit.*

CAPVT



CAPVT I.  
DE  
DEFINITIONE NOMINALI  
ET REALI.

§. I.



Antequam autem ad accuratiorem nobilis hujus materiæ deductionem pedem proferamus, in nonnullis præliminaribus, juris videlicet hujus inscriptione, ac denominatione paulisper subsistendum erit, ut hac perspecta ejusdemque ratione cognita eo feliciori sydere ad reliqua progressum facere possimus, *juxta l. 1. pr. ff. de J. & J.* Nomina namque sunt quasi quædam picturæ & characteres, ex quibus ipsa rerum innotescit natura *Gell. Noct. Atticar. lib. 13. cap. 10.* Unde vulgatum illud: Conveniunt rebus nomina sæpe suis. Et Principi Philosophorum *lib. 1. post. cap. 4.* nomen dicitur primum intelligendi principium; cui quoque sub-

scribere videmus jus Canonicum *C. Clericus qui l. C. 12. quest. 1. C. placuit 16. C. 1. quest. 1.* dum pro regula tradit : Nominis interpretationem & definitionem præ omnibus diligenter esse observandam.

§. II. Sciendum itaque Retractum dici à retrahendo, quemadmodum contractus à contrahendo, Distractus à distrahendo. *Magnif. Dn. D. Richter. Præceptor & Patronus meus honoratissimus decis. 76. n. 1.* Varia autem est Retractus acceptio : Sumitur enim vel generaliter vel specialiter : Priori modo omnibus, qui ex populo universo sunt, Jus Retractus conceditur. Posteriori vero modo, prout distinctis saltem personis in individuo certo competit, quæ acceptio specialis hujus loci est, quo in specie pertinet Ulpiani sententia in *l. Imperatores 9. §. 2. ff. de administr. rer. ad civit. pertinent.* ubi refert, Imperatores Antoninum & Verum ita rescripsisse : Agros Reipubl. retrahere Curatorem Civitatis debere, licet à bonæ fidei emptoribus possideantur, cum possint ad suos Autores recurrere. Consanguineus enim dum hoc jure utitur, ad se atque ita ad familiam, à qua res recesserat, eandem retrahit *Tiraquell. de Retract. Lin. in præfat. num. 5.* huc redeunt variaz Juris nostri

nostri pro varietate nationum appellationes, aliter enim Græci, aliter Romani, aliter Germani, dum illud delineare student, loqui amant! In Græcia audit *πρωτιμυσις*, id est, anterioritas, sive prærogativa à *πρωτιμύω*, quod est, præfero, quod scilicet illi, qui hoc jure gaudent, extraneis & omnibus aliis præferantur, *Calvin. in Lex. Jurid. verb. πρωτιμυσις* item *πρωτήμυσις* à *πρωτῶ* & *μύσις* præclusio, quia ex hoc capite sanguine junctus reliquis emptoribus viam præcludit. In Latio vocatur Jus Retractus, & derivatur à re & trahendo, quasi dicas quod res semel venditata rursus retroducatur & revocetur. Appellatur alias Doctoribus Jus Protimiseos, id est, Prælationis vel Anterioritatis, Jus Præsentationis, Jus Recomperæ, Jus Congruui, *Dn. VVissenbach. Disput. 36. th. 1.* item Retractus Gentilitius, à gentibus ita dictus, quod iis competat tantummodo, qui ejus gentis & familiæ existunt *Calvin. ibid. verb. gentilitium.* In nostra vernacula illud Jus dicere solemus: **Einstand / Rück: oder Näher: Kauff / Vorzug / Löfung, Gerechtigkeit / Erb: Löfung, Erb: Freund: Recht.** *Vid. VVerner. Thesaur. Pract. verb. Lösen. Besold. eodem verb.* In Constitutionibus Electoralibus nuncupatur, **der Vorkauff oder die Nähergellung** *const. 32. part.*

*part. 2. elegantes harum denominationum apud Teutones rationes similesque hujus farinae voces congeffit Reinking. tract. de Retractu consanguin. quest. 1. numer. 6. & seqq.* Et hæc de varietate nominis & multiplici juris hujus indigitatione dicta sufficiant.

§. III. Visis jam variis nominibus, diversisque appellationis rationibus, varias nunc quoque subjungemus hujus juris definitiones, neque enim in hoc definiendo satis conveniunt hæcenus Dd. cum aliter atque aliter illud ipsum proponant. Quidam ex illorum numero Retractum definiunt, quod sit Jus consanguineo competens ad retrahendum & redimendam rem à suo consanguineo venditam extraneo, & ita *Rebuff. ad l. verbum reddendi. § 4. v. Retrabere ff. de V. S.* Nonnulli malunt ejus naturam his verbis planam facere, dicendo: esse facultatem venditam rem immobilem æquali pretio redimendi, Jure Proximitatis intra certum tempus competentem, quæ definitio arridet *Petr. Gregor. Tholoff. in Syntagm. Jur. univers. lib. 26. cap. 1. num. 4.* Alii vero rem ita exponunt: dicendo Jus Retractus nihil aliud esse quam Jus Prælationis certis personis competens, quibus album suum calculum addit *D. Habn.*

*in*



*in observat. ad VVesenbec. Tit. de rescind. vendit. num. 6. verb. Retractu.* Alii denique hanc ponunt definitionem : Retractus gentilitius est rei immobilis extra familiam vel remotiori venditæ, ex cap. consanguin. & proximitatis intra tempora statuta, legitime facta redemptio, quibus subscribit *Reink. de Retractu consanguinitatis quest. 1. num. 64.* Copiam hic videmus definitionum, & liberum cuilibet esto judicium, cui ex harum numero se associare velit ; Nobis si licitum est selectum facere, placeat ultima, quæ cum optime rem exprimat, & ea, quæ in subsequentibus de substantia & essentia hujus Retractus proponuntur, ambitu suo contineat, reliquis quas adduximus, optimo jure anteponenda videtur.

## C A P V T II.

REPRÆSENTAT

# SVBIECTVM VTRVMQVE, ET AGENS ET PATIENS.

### §. I.

**P**ræmissa jam definitione tam nominali quam reali, consequens porro est, ut ad ipsam rei tractationem accedamus. Quo autem omnia de-

B

centi

centi connectantur serie, & debito sese invicem dicenda sequantur ordine (intelligi namque possunt dilucidius, quæ tractantur ordinatius. *l. 1. pr. ff. de dolo mal*) Præprimis de personis quibus nimirum nec ne & adversus quas jus hocce competat dispiciemus, imitaturi paradigma Imperatoris nostri Justiniani in *§. ult. Instit. de J. N. G. & C.* parum siquidem est jus nosse, si personæ, quarum causa constitutum est ignorentur. *d. §. ult.* Illæ vero statim se nobis offerunt, dum rationem juris hujus, quæ in favore sanguinis & affectione erga bonæ Majorum posita est *per text. in l. lex qua 22. §. 2. C. de administr. tut.* ponderamus, suntque Consanguinei venditoris. Quoniam vero consanguineorum numero habentur etiam liberi nostri *l. filius 12. ff. de suis & legit. hered.* iique omnibus aliis præferuntur in successione *per Novell. 180. c. 1.* Merito & his jus hoc favet præ cæteris.

§. II. Notandum tamen sub sanguine junctis non tantum masculos, sed etiam foeminas comprehendi, & propterea æque ad retractum admittendas *Tiraquell. de Retract. Lim. §. 1. Gloss. 9. num. 237. & seq. Berlich. part. 2. conclus. 39. n. 23.* quia etiam familiæ ac generis appellatione continentur. *l. 195. ff. de V. S. l. 4. C. de fideicomm.* nisi sub.

subiecta materia repugnet. *l. 1. §. 2. ff. de Jure im-  
mun. l. 33. ff. de muner. & honor. vel, statutum in  
contrarium extet, disponens, quod scil. existentibus  
masculis foeminae non sint admittendae, tunc e-  
nim pro extraneis habentur* *Tiraquell. dict. tr. §. 1.  
Gloss. 8. num. 23.* Ceterum gaudet hoc jure in-  
fans & filiusfam. in Patris sui potestate existens. *Ni-  
col. Boërius Decis. 238.* Filius tempore venditio-  
nis conceptus, & intra annum, qui ad retrahen-  
dum datur, natus, *Magnif. Dn. D. Richter. Decis.  
76. n. 16.* Pupillus, quamvis tutore suo & prae-  
sente & consentiente praedium fuerit venditum.  
*Magnif. Dn. D. Richter loco alleg.* Et quanquam  
Parentes bona sua immobilia alienare non prohi-  
beantur, cum notum sit quemlibet esse modera-  
torem & arbitrum rerum suarum. *l. in re mandat.  
21. C. Mandati.* quoniam vero lex arbitrium hoc  
expresse impedit *vid. Constit. Friderici Imp. §. Feud.  
13. & seqq.* Idcirco liberis bona in extraneum a-  
lienata retrahere licet. *Magnif. Dn. D. Richter, dict.  
decis. 76. §. 13.*

§. III. Idque non tantum in bonis simpli-  
citer venditis, verum etiam in bonis parentum sub-  
hastatis obtinet. *Dom. D. Richter loc. allegat.* plu-  
ribus autem liberis existentibus unus ex illis, qui

solus eo uti vult, istud insolidum, non vero pro parte tantum sua exercere potest. Sin vero omnes velint, uti videndum, an commodè res divisionem recipiat, nec ne, si illud, ea inter retrahentes dividi potest, si hoc, sorte dirimenda lis est. *Magnif. Dn. Richter. Decis. allegata.*

§. IV. Hoc jure etiam gaudere liberos per subsequens matrimonium legitimatos, nullum est dubium, cum matrimonium omnia præcedentia purget *Gail. l. 2. observat. 141. num. 2. Novell. 89. per tot. & legitimati insuper non dissimiles legitime natis sint Novell. 89. c. 3. Paul. Paris. Consil. 13. n. 40. & num. 15. vol. 2.* Hisce deficientibus competit hoc jus (2.) Parentibus, puta Patri, Matri, Avo, Avix, aliisque ascendentibus, si bona avita ad eorum filios & nepotes & reliquos descendentes quovis modo pervenerunt, & illi ea alienare volunt, *Berlich. conclus. pract. 2. c. 39. num. 41.* (3.) Conceditur etiam fratribus & sororibus, quia & hi consanguineorum nomine continentur §. 1. *Inst. de legit. agnat. success. l. 1. §. 10. ff. de suis & legit.* (4.) Conceditur omnibus consanguineis, tum proximioribus, tum iis, qui quovis modo arctiori sanguinis vinculo invicem conjuncti, vel ex patre vel matre, vel alio & sexu se attingunt, jux-

ta illud vetus ac tritissimum dictærium : Proximior in gradu remotiorem excludit, quo enim propinquior cognatio, tanto major videtur erga bona defuncti affectio. *L. quæ tutores vers. ergo. C. de administ. tut. l. in fundo 38. ff. de R. V.* prætendenti autem se Proximiorum consanguineum hoc probare incumbit, *Reinking. quæst. 2. concl. 1. §. 13.*

§. V. Cæterum quæritur, si plures ejusdem gradus existant consanguinei, quis illorum hoc jure debeat gaudere ? Resp. sub distinctione, utrum res sub divisionem cadat necne ? Si prius ; tunc omnes, si hoc jus exercere velint, admittuntur, singuli nimirum pro rata *Berlich. d. conclus. 39. n. 25.* Si vero res ita comparata sit, ut divisionem non admittat, eo casu videntur potiores partes prævenientis, ita ut ei in solidum detur actio *l. meminimus 2. C. qu. & quibus quart. pars. Conf. Tiracquell. de Retract. Lin. in præfat. §. 11. Gloss. 2. n. 2.* quid si simul ad judicium provocent, lis sorte dirimenda *Matth. de Afflict. de jur. protim. num. 25. Berlich. d. conclus. 39. num. 26.* Dubia namque sorte dirimantur *l. sed eum ambo 14. ff. de judic. §. optionis 23. Inst. de Legat. & juxta Baldum, ubi humanum non sufficit ingenium, ibi fortuna alterationem dirimit.* Cujus rei exemplum videre

licet in iudicio communi dividundo d. l. 2. C. qu.  
 & quibus quart. pars. l. fin. ibique Dd. C. comm. de  
 legat. & hereditatis divisione l. 5. ff. fam. hercisc. l.  
 generaliter. §. quid ergo 17. ff. de fideicomm. libert.  
 Sin vero eorum aliquis in alienationem consense-  
 rit, vel jure retractus uti nolit, ejus portiones cæ-  
 teris accrescuntur, illi in solidum agere possint.  
*Math. de Afflict. tract. de Jure Protimiseos §. tota*  
*hæc lex num. 43. verb. nam primo competit Paren-*  
*tibus &c.*

§. VI. Notandum quoque quoad Colla-  
 terales vel Cognatos, quod illis hoc jus non detur  
 in infinitum, sed saltem ad decimum usque gra-  
 dum *Berlich. d. conclus. 39. num. 38. Schrader. de*  
*feud. p. 10. sect. 19. num. 44.* Siquidem Jus Retra-  
 ctus sequitur naturam successionis, quæ ultra de-  
 cimum gradum inter Collaterales sese non exten-  
 dit. *Schneid. ad tit. instit. de hæredit. quæ ab intesta-*  
*to deferuntur in 3. ordine n. 39. pag. m. 420.* Nec  
 obstat, quod textus hic distingvat inter Agnatos &  
 Cognatos, ut Agnati ad decimum, Cognati ve-  
 ro usque ad sextum vel septimum gradum ad suc-  
 cessionem admittantur, quia sublata inter agna-  
 tos & cognatos differentia est. *Magnif. Dn. Doct.*  
*Richter. decis. 76. num. 26.* Hinc communiter re-  
 ceptum

ceptum est, omnes sive agnatos sive cognatos collaterales indistincte usque ad decimum gradum ad successionem vocari *Roland. Passagier. tract. de success. ab intest. n. 21. vers. sed revoco nunc in dubium usque ad quatum gradum successio & n. seqq.*

§. VII. Postquam cognovimus, quibus hoc jus competat, facillimo negotio (si modo Imperatori nostro in *pr. Inst. de his, qui sui vel alterius juris credimus*) nunc patebit, in quibus illud ipsum cesset & (1) quidem hoc jus non conceditur naturalibus, spuris, incestuosis, adulterinis & bastardis, quia non sunt de domo aut familia Patris. *Bart. in l. pronuntiatio 195. §. 2. ff. de V. S. Bald. consil. 168. volum. 2. lib. 5. nec sub cognatorum vel agnatorum appellatione veniunt l. §. spuris 4. ff. unde cognati*, nec ullum jus gentilitatis vel familiæ à patre habent, sed quoad familiam pro extraneis plane habentur *Bald. in l. generaliter §. cum autem C. de Instit. & Substit.* Merito ergo à bonis paternis excluduntur *l. 8. C. de natural. liber.* Procedit hoc quoque in Bastardorum & Spuriarum liberis, quia infecta causa primitiva, inficitur & derivativa, *Bald. in l. fin. C. de V. S. Matth. de Afflict. decis. Neapolit. 36. num. 3.* Quemadmodum autem hi ad revocationem bonorum paternorum non

non admittuntur, ita nec vicissim legitimi sub agnationis & familiae prætextu, ad spuriorum & ex his descendentiū, bona vendita retrahenda admittuntur, cum contrariorum contraria sit consequentia, & quidquid dispositum est in uno contrariorum, censetur etiam dispositum in altero. *Everhard. in Topic. loc. à contrar.*

§. VIII. Quod autem attinet bona materna, spurii nequaquam sunt removendi, sed ad retrahendum omnino admittendi; Nam filius ex quocunque coitu natus, respectu matris est vere ac proprie filius, & eam ob causam jus sanguinis quoque retinet *l. 2. §. 4. ff. unde cognati l. 10. §. 1. §. seqq. ff. de grad. affinit.* ac in linea materna ejusdem cognatio consideratur *l. quia semper §. ff. de in jus vocand.* Unde etiam est, quod naturalibus & spuriiis in maternis non denegetur successio *d. l. 2. ff. unde cognati §. 4. Instit. de success. cognat. l. pen. C. ad SC. Orphit. Nov. 89. c. 12.*

§. IX. Nec competit Jus Retractus (2.) liberis ingratis, & illis, qui atroces injurias vel violentas manus venditori vel ejus familiae intulerunt aut ejus substantiæ gravem jacturam moliti sunt, nisi offensionem insecuta sit reconciliatio, vel ad necessariam sui defensionem, venditorem realiter vel



vel verbaliter offenderit *Dn. D. Richter. decis. 76. num. 22. Perez. in Cod. de pact. inter empt. & vendit. num. 26.* Nec (3.) personis monasticis, cum pro mortuis seculo habeantur *l. Deo nobis 56. C. de Episc. & Cler. Bartol. in l. patre furioso ff. de his, qui sunt sui vel alieni juris*, ut proinde affectio in res majorum, quibus se sponte abdicarunt, & quasi ultimum vale dixerunt, cadere non possit. Nec obstat, quod Monachus Monasterium ingressus jura successionum de jure communi obtineat, *l. pen. §. 1. C. de Episc. & Cler.* quia enim non sibi suæque familiæ, cujus conservandæ causa retractus est introductus, sed Monasterio & ad hujus utilitatem ac commodum retrahit, merito removetur. Nec (4.) adoptivis, quoniam appellatione consanguineorum non comprehenduntur, sunt enim filii non veri, sed ficti *l. fideicommi. 76. ff. de cond. & demonstr. §. 4. instit. de adopt. l. 8. ff. de R. J.* Nec (5.) affinibus, cum affinitatis jure nulla permittatur successio *l. affinitatis 7. C. communia de success.* Nec (6.) legitimatis per rescriptum Principis, vel Comitem Palatinum *Pbilippus Decius cons. 276. n. 6. cum seqq.* ratio hujus restrictionis potest esse, quod legitimatio per subsequens matrimonium sit plenior & efficacior, quacunque alia, *ut notat*

*Paulus Paris. consil. 13. num. 40. & num. 15. vol. 2. Hieronym. de Cavall. in spec. comm. opinion. quest. 606. num. 12. & propius accedit hæc legitimatio ad legitimum nascendi modum; & regulare principium; nisi expresse in legitimationis rescripto, ut jura cognationis aliquis habeat, & Retractu proximitatis uti possit, dispositum sit. Mynsing. 1. observat. 35. num. 10. & observat. 2. num. 6. cent. 5. Tiraquell. hic. §. i. Gloss. 3. num. 7. Nec (7.) deportatis, propter §. 1. & 2. Inst. de cap. diminut. l. fin. ff. eodem & l. quidam sunt servi 17. ff. de pact. Nec pari modo Bannitis Imperii, Vebner. observat. pract. verb. Acht. Ordinat. Cam. part. 2. tit. 9. §. so jemand. & vers. so bald auch, etc. tit. 10. §. und wo er etc. NEC (8.) IPSI VENDITORI. Tiraquell. hic. §. 1. Gloss. 9. n. 33. Venditor enim rem aliquam extra familiam vendendo, affectionem, quam ad eam habere poterat, amittere videtur l. quaritur 14. §. si venditor 9. ff. de adilit. edict. neque jura patiuntur, aliquem retractare posse ea, quæ legitime à se gesta sunt l. post mortem 25. ff. de adopt. l. cum proficaris 4. C. de revocando donat. l. sed an ultro 10. ff. de negot. gest. Denique, ut multa paucis dicamus, OMNIBVS IIS DENEGATUR IVS RETRACTVS, IN QVIBVS*

**BVS ratio sanguinis aut AFFECTIO ERGA  
REM VENDITAM CESSAT.**

§. X. Visis jam & peractis consideratis,  
quibus hocce jus competit, nec ne, progrediemur  
nunc ad illas, adversus quas datur. Datur vero  
regulariter adversus emptorem *Tiraq. §. 8. Gloss. 5.  
n. 6. & seqq.* quamdiu videlicet ille rem emptam,  
in qua alteri facultas retrahendi competit, in sua  
potestate, & in numero bonorum, retinet. Cum  
enim ad restitutionem ejus agatur, nemo melius  
eam reddere potest, quam qui possidet. Quod  
si vel alienaverit, & tertium quendam rei retractui  
subjacentis possessorem effecerit, tunc relicto emp-  
tore, ob eandem & jam modo in medium addu-  
ctam rationem, ad novum istum possessorem pro-  
perandum est *l. in hac actione 3. §. est autem 3. ff. ad  
exhibend. l. metum 9. §. ult. ff. quod metus causa Ti-  
raquell. d. tract. §. 12. Gloss. 1. num. 4.* Et hoc adeo  
verum est, ut salvum & integrum jus istud cognati  
primi venditoris maneat, quamdiu currit tem-  
pus retrahendi, quamvis etiam per mille manus;  
utiloquuntur, res vendita ambulaverit *Tiraquell.  
d. Gloss. 1. num. 2.* Habent enim illi cognati ex  
prima venditione jus quæsitum, quod ipsis invitis  
sine eorum facto auferri non debet *l. id quod no-*

*Item 11. ff. de R. J. Reinking. question. 2. num. 139.*  
 Si vero mortuus sit primus ille emptor, adversus  
 ejus heredes retrahendi datur regressus. *Tiraquell.*  
*§. 1. Gloss. 13. num. 14.* repræsentant namque perso-  
 nam defuncti. *Novell. 48. in præfat.* Meliorisque  
 conditionis esse non debent *l. heredem 59. l. in his,*  
*quæ officium 175. §. non debeo 1. ff. de R. J.* Si de-  
 nique emptor vel possessor sit minor vel pupillus,  
 eo casu ipsius tutorem aut curatorem convenire,  
 & ut rem à consanguineo alienatam nobis resti-  
 tuat, cogere licitum atque concessum est. *Tiraq.*  
*d. Gloss. 13. n. 24.*

### CAPVT III.

REFERT

## O B I E C T V M.

§. I.

**A**bsoluta personarum consideratione, accede-  
 mus ad reliqua, & quibusnam in rebus jus  
 hocce Retractus sibi locum vindicet, nec ne, per-  
 volvemus. Obtinet autem (1.) in bonis avitis,  
 paternis & gentilitiis, vulgo *Stamm-Güter*, *alt-*  
*väterliche Güter oder Erbe*, quæ fuere Majorum  
 nostrorum. *l. si in emptionem 35. ff. de minoribus.*

*Carpz.*

*Carpz. Jurispr. forens. part. 2. const. 31.* & ab Avo, Proavo, aculteripibus parentibus proficiscuntur, non modo paternæ sed & maternæ lineæ *Dan. Müller. ad Constit. Elect. 12. n. 2. Berlich. part. 2. conclus. 13. Stamm-Güter.* De Jure Saxonico ita describuntur: **Daß Stamm-Güter** solche Güter seyn, welche der Donator vel quilibet Possessor nicht selber acquiriret oder erlanget, sondern, die von seinen Vorfahren, als Großvätern oder dergleichen, gewonnen/ und von denselben ihren Ursprung haben. *Constit. Elect. 12. part. 2. hoc est, pro bonis avitis illa habenda sunt, quæ non ipsemet, donator vel possessor acquisivit, sed quæ à Majoribus suis Avo nimirum & similibus ad ipsum pervenerunt.* Unde in *Constit. Elect. 31. part. 2.* hæc posita reperiuntur verba: **Je doch, daß unter den Stamm-Gütern diese verstanden werden, die nicht von Eltern alleine, sondern von Groß-Eltern herkommen.** (2.) In bonis quibuscunque hereditariis, sive ea ex Ascendentium, Descendentium, vel Collateralium hereditate nobis obveniant, **anererbte oder angefallene Güter.** *Cothm. vol. 1. Consil. 38. n. 8.* sive aliunde sint quæ sita, modo ejus sint qualitatis & conditionis, ut pleno jure possideri & ad heredes transmitti possint;

sint ; alias sine determinatione generis , appellati-  
onem retinent , & vocantur : **Erb-Güter.** *Rein-*  
*king. d. tract. quest. 3. num. 18. & 19. (3.)* In bonis ,  
labore , industria , vel alio modo legitimo acqui-  
sitis , vulgo **wohl gewonnen oder errungen Gut.**  
*Cotbm. d. Consil. 38. num. 4.* ob eam scilicet ra-  
tionem , ne bona in familias semel illata , rursus  
auferantur vel alienentur , sed potius in familiis  
conseruentur *Cotbm. d. Consil. 38. num. 4. vol. 1.*  
**(4.) IN BONIS FEUDALIBVS** quoque suas  
vires hoc jusexercet *2. feud. 26. tit. si de feud. defun-*  
*cti content. &c.* modo feudum sit antiquum *Zafius*  
*inepit. feud. part. 8. num. 61.* nullatenus vero si no-  
vum ; in hoc enim agnatis nihil juris competit &  
hinc fit , ut etiam non requisito horum consensu  
ab illo primum acquirente licite alienari possit c.  
*alienatio. de alienat. patern. feud. 2. feud. 39. (5.)*  
In bonis emphyteuticis. *Berlich. part. 2. concl. 30. n.*  
*3. Carpz. part. 2. const. Elect. 31. def. 6. (6.)* In  
reditibus , & censibus annuis , **Jährlichen Gefällen**  
**und Zinsen** *Reinking. quest. 3. num. 74.* dummo-  
do sint ex rebus immobilibus perpetui aut ad lon-  
gum tempus constituti. *Mynsing. 1. observat. 69.*  
*num. 12.* secus vero si sint modici ac brevioris tem-  
poris. *Gail. l. 2. observat. 10. num. 1. & seqq.* quam-

vis

vis enim annui redditus, nec immobiles res, neque mobiles proprie loquendo sint, sed tertiam quandam speciem constituent. *Jacob. Schult. pract. observat. 22. num. 7. Panorm. in c. nulli num. 10. de rebus Ecclesia non alien. Job. Köppen decis. 24. num. 7.* regulariter tamen, tam jure Canonico, quam civili rebus immobilibus annumerari & jure immobilium censerentur solent. Præterea requiritur, ut sint futuri, quorum dies nondum cecidit, quia redditus seu pensiones cessæ betagte Renten oder Zinsen, fructibus à solo separatis comparantur; & quemadmodum hi inter mobilia referuntur, ita quoque pensiones cessæ, die allbereit fällig und betagt seyn, mobilium loco habentur, *Mynsing. d. observat. 69. num. 13. Gail. d. observ. 10. num. 3. Petr. VVesemb. consil. 61. num. 6. (7.)* In usufructus venditione, aliisque juribus incorporalibus, idem usu ac consuetudine servatur. *Matth. de Afflict. de Jure Protym. §. tota hæc lex. num. 8. & 9. Reinking. quest. 3. num. 93. & seqq.*

§. II. Absolutis rebus, in quibus hoc Jus Retractus obtinet, tandem videndum, in quibus locum illud ipsum non habeat, & (1.) quidem locum non obtinet in rebus mobilibus. *Matth. de Afflict. d. §. num. 6. Job. Hering. in tract. de molend. quest.*

*quæst. 8. num. 60.* cessat enim in illis ratio juris hujus  
 introducendi, quæ ponitur in conservatione re-  
 rum in familia existentium, cum potius sit fluxa &  
 fragilis *l. si rem mobilem 47. ff. de acquir. vel. amitt.*  
*poss. l. peregre 44. ff. eod.* neque in eam tanta cadere  
 potest affectionis consideratio, ut vestigia Majo-  
 rum, illorumque virtutis memoria retineri possit.  
*arg. l. quæ 22. C. de administr. tut. l. fin. C. qu. decret.*  
*op. non est.* Deficiente ergo ratione juris, ipsa quo-  
 que deficit juris dispositio *l. dies cautioni 4. §. 6. ff.*  
*de damn. infect.* Notandum tamen, si mobilia  
 immobilibus cohæreant, ita ut separari non pos-  
 sint, aut difficilis ea futura sit & simul accessorie vel  
 per consequentiam vendantur, quod tunc natu-  
 ram mobilium deponere, & immobilium indue-  
 re quasi videantur, & retractui subiaceant *l. pen. C.*  
*de servit. l. ult. in fin. C. de præscr. long. temp. Myn-*  
*sing. 1. observat. 69. n. 12.* Præprimis vero æqui-  
 parantur immobilibus, si sint pretiosa *Matth. Col-*  
*ler. part. 2. decis. 286. num. 48. Carpz. Resp. Elect.*  
*lib. 6. resp. 1. num. 23.* Unde nec tutor eadem abs-  
 que sufficienti causa, & prævio Magistratus decre-  
 to alienare potest *l. lex quæ tutores 22. C. de admi-*  
*nistr. tut. Carpz. in Jurisprud. Forens. ad Constit.*  
*Elect. 14. def. 69. part. 2. & si ejusmodi res præter*  
 neces-



necessitatem forte alienaverit, repeti & recuperari  
 à possessoribus poterunt *l. 5. C. de prad. minor. l. 51*  
*§. 14. & 15. ff. d. reb. cor. qui sub tut. vel cur.* Nec  
 (2.) valet hoc jus in rebus immobilibus quatenus  
 res immobilis vendita sita est in alio loco, ubi jus  
 retractus non viget. *Tiraquell. hic, §. 1. Gloss. 1. n. 2.*  
 licet in loco domicilii retrahere volentis obtineat,  
 attenditur enim quoad res immobiles jus, quod  
 viget in loco rei sitæ, non vero jus loci, ubi persona  
 habitat. *l. rescript, in fin. ff. de mun. & bon. l. an in*  
*totum C. de adific. priv. Mynsing. §. observat. 19.*  
 Nec (3.) procedit, si res interim perierit ex parte  
 velin totum, v. g. domo combusta, area retrahi  
 non potest. *Reinking. quest. 3. numer. 134.* quia do-  
 mus destructa, domus amplius non est §. 3. *Instit.*  
*de us. fr.* quamvis ex iisdem cæmentis & materia  
 fuerit resecta *l. 98, §. 8. ff. de solut. l. 83. §. 5. ff. V. O.*  
 Nec (4.) locum habet in rebus venditis Principi,  
 In his namque admittendus non est retractus, tum  
 ratione supremæ potestatis, quæ Principem à sta-  
 tutis subditorum eximit, tum ratione universalis  
 dominii, cujus intuitu fortius jus, quam consan-  
 guinei in rebus subditorum, habere censetur *Bona-*  
*vent. Gvaer. Disp. Basil. de retract. jur. th. 32, lit.*  
*B. C. Petrus Gregorius in Syntagmate lib. 26, c. 2.*

D

num.

*num. 10.* Nec (§.) in rebus venditis ad usum publicum vel pium *Job. de Plat. ad l. unic. C. de stud. liber. l. 13. C. de oper. publ.* Quia utilitas publica antepositur privatæ, & quæ pluribus publice expediunt, præferuntur his, quæ singulariter quibusdam prolunt *l. utilitas 12. C. de primip. l. actione §. Labeo ff. pro socio l. unic. §. pen. C. de cad. tollend.*

## CAPVT IV.

### EXHIBET

# FORMAM ET MODVM.

## §. I.

**A** Re, ad Formam, remota omni ambage, felici pariter ac veloci pede transimus, cum essentiam & naturam hujus juris constituat, secundum pervulgatum illud Philosophorum axioma: Forma dat esse rei, & sine ea non incipit res esse, *l. si quis qui quadraginta 80. §. 1. ff. ad l. Falcid. Bald. in l. cum quis C. de juris & facti ignor.* Consistit vero in his fere quatuor sequentibus I. ut retrahens justum & integrum, à primo videlicet emptore solutum offerat pretium, *juxta l. 13. §. 8. ff. de act. empt. l. 34. §. 1. vers. si obtulerit eam quantitatem, qua refundi debet ff. de statu liber. Gail. 2. observat.*

19. num. 7. Justum autem seu verum rei pretium est, quantum communi æstimatione hominum valet. *Perez. ad l. 2. C. de rescind. vendit.* Integrum autem offerri pretium ideo necessarium est, quia sicut actio ex empto cum effectu non datur, nisi persoluto pretio, ita nec ex retractu, nisi restituto integro pretio dabitur, cum unius ejusdemque obligationis unam eandemque indivisam solutionem esse oporteat *d. l. Julianus 13. ibique Gloss.* Et *Bartol. l. quamdiu 6. C. de distract. pign. l. obsegnatione 9. C. de solut.* particularis enim solutio, utpote in commoda, & damnosa, non sufficit *l. qui pignori 19. ff. de pign. Et hypothec. l. 3. ff. fam. hercisc. Dn. D. Brunnem. ad l. 14. C. de contr. empt.* hinc pro forma requiritur, ut integra summa solvatur, tunc si nummus tantum deficiat, proinde habetur, ac si nihil solutum fuisset, *juxta Gloss. in l. res bona fide 54. ff. de contrah. empt.* Si vero ex errore calculi nummus unus vel alter defuerit, hoc non attenditur *l. quamvis 31. ff. de condit. Et demonstrat.* Cum vero nulla regula tam firma sit, quæ suas non habeat exceptiones *arg. l. 3. §. 1. ff. de injur.* hinc idem hoc loco accidere videmus, & pretium integrum exsolvi, necessum haud esse (1.) si obligatio ipso jure divisa sit, veluti inter coheredes *l. cetera*

4. ff. fam. hercisc. l. 1. C. si certum petat. item si plures æque conjuncti rem dividuam pro rata suæ portionis retrahant. (2.) Si pactione divisa sit solutio pretii, diversis temporibus facienda, daß er auf gewisse Termine oder Tagezeiten zahlen soll; tunc enim eodem jure recte utitur retrahens, & eadem dilatione in reddendo pretio fruetur *Matth. VVesenb. consil. 73. num. 41. Hartm. Pistor. observat. 17.* Hinc eandem Pecuniæ portionem, quæ sub initium contractus soluta est, retrahens itidem illico refundere vel deponere debet, residuam vero statis demum temporibus *VVesenb. dict. consil. 73. num. 77.* secus vero est, si retrahens non ita idoneus & exigibilis deprehenditur, quemadmodum emptor *Reinking. quest. 6. numer. 38.* (3.) Si venditor consentiat, & ultro acceptet solutionem particularem. l. stipulatus mihi 9. §. 1. ff. de solut. cum volenti non fiat injuria l. injuria 1. §. 5. ff. de injur. l. cum donationis 34. C. de transact. c. scienti de R. J. in 6to. (4.) Si plures res diversis pretiis emtæ sint, tunc satis est, si illius rei afferat pretium, quam quis retrahere intendit *Tiraq. §. 23. Gloss. 1. num. 20.* (5.) Si certum & liquidum non sit pretium, tunc liquidum offerri sufficit, donec de reliquo constet, l. quidam existimarunt ff. de R. C. Gæd.

*Goed. adl. 32. ff. de V. S. num. 12. Gail. de pignorat. observat. 16. num. 5.* Potest tamen emptor à retrahente eo casu idoneam exigere cautionem de reliquo; liquidatione facta, exsolvendo. *Bald. in Auth. qui semel. C. quomodo & qu. judex num. 18.* quam remitti posse, si retrahens notorie dives sit, annotavit *Tiraquell. §. 3. Gloss. 3. num. 15. in fine.* Sufficit alias promissio nuda sub hypotheca bonorum de supplendo, quidquid deberi constiterit *Gail. 2. observat. 19. Jason. in l. 1. v. circa dictas ff. qui satisd. cogunt.* Idem obtinet, si retrahens quantitatem persoluti pretii ignoraverit; hoc enim casu sufficit offerri tantum, quantum communiter pro re ejusmodi solvitur, addita salutari clausula: salvo jure residui & quantum pluris &c. *Reink. quest. 7. num. 113.*

§. II. II. Requiritur ut una cum pretio rei retrahendæ sumtus tempore contractus factos, item laudemium, & omne, quod emtionis causa erogatum est, integre refundat *l. 27. ff. de edilit. edict. Berlich. part. 2. conclus. 40.* impensasque, si quæ factæ fuerint, emptori restituat. *Const. Frider. de jure protim. vers. licet, Carpz. d. constit. 31. def. 7.* Et quidem, quod sumtus concernit, res expediti juris est, modo sint consveti & legales, adeo ut eo-

rum appellatione etiam veniant nummi bibales  
 seu sumtus vini, **Wein-oder Leib-Kauff**, arg. l.  
*quod si sumtum* 37. ff. de petit. heredit. Gail. 2. obser-  
 vat. 19. num. 9. Berlich. part. 2. conclus. 41. n. 32. &  
 sequ. Si vero emptor dolose, & in fraudem con-  
 sanguinei, vel proximi agnati modum in his ex-  
 cesserit, tunc ultra legitimum & consuetum mo-  
 dum retrahens refundere eos non obligabitur l. si-  
 ne herede 32. §. interposito 4. cum seq. ff. de adminis-  
 trat. Gail. 2. observat. 19. num. 9. Quoad impen-  
 sas tamen probe distingvendum esse arbitror, inter  
 necessarias, utiles & voluptarias : quoad neces-  
 sarias, **SINE QVIBVS REI SVBSTANTIA  
 SALVA MANERE NON POTEST** l. 5. 6. &  
 7. qui potior in pign. l. impense 14. ff. de imp. in res  
 dotales fact. l. impense 79. ff. de V. S. & impensas  
 utiles, præsertim si tales sint, quales & ipse retra-  
 hens verisimiliter factururus fuisset l. plane 38. cum l.  
 seq. ff. de petit. heredit. l. 38. l. 48. ff. de R. V. nullum  
 est dubium, quin restituere eas teneatur retrahens.  
 vid. Petr. Gregor. Tholosan. in Syntagm. jur. uni-  
 vers. l. 26. c. 21. numer. 5. Quod si modicæ sint  
 atque exiguæ, quales sunt, quæ ad conservatio-  
 nem ædificiorum pertinent, **das Hauß in Dach  
 und Fach zu halten**, eas restituere non tenetur,  
 quia

quia cum fructibus perceptis compensantur *l. omnino 12. ff. de impens. in res dot. fact.* minima enim non curat Prætor *l. scio 4. ff. de in integr. restit. l. 9. in fin. ff. de dol. mal. Gail. 2. de pac. publ. c. 10. in fin. & 2. observat. 121. num. 13.* Quod ipsum responso confirmat *Carpzov. Constit. 32. defin. 7.* auffn Fall gleich die Jahres Frist noch nicht verfloßen, und ihr auch dahero der Nähergeltung zu gebrauchen nochmahls besuget wäret, so möchte doch der Käufer ehe und bevor ihm, nebenst dem ausgelegten Kauffgelde, auch die nothwendige Besserungs-Kosten, hintwiederum entrichtet, das abzutreten nicht gedrungen werden. Was aber sonst, solches Haus in Dach und Fach zu erhalten, aufgewendet worden, send ihr ihm zu erstatten nicht verbunden, **B. R. W.** Nec (2.) quæ factæ sunt in fraudem ejus, ut hac ratione graviolem ac duriolem suam emptor efficeret conditionem *Gail. 2. observat. 12. num. 6. VVebner. in observ. pract. verb. Besserung.* Nec (3.) eas quæ ab emtore proxenetis vel mediatoribus voluntarie datæ sunt, ut venditio eo celerius procuretur, nisi sciente & volente venditore ad medium pretii itum fuerit. *Dn. VVissenbach. disput. 36. §. 14. Berlich. part. 2. conclus. 41. num. 38.* Voluptarias ve-

ro impensas retrahens restituere non tenetur, tollere vero eas potest, si commode evelli ac abstrahi à re possint *l. pro voluptariis 9. ff. de impens. in res dot. fact.* quod si vero tolli haud possint salva rei substantia, distinguendum iterum est, utrum simul utilitatis nonnihil contineant, nec ne. Priori modo ad æstimationem & restitutionem impensarum tenetur; Posteriori vero impensæ pro amissis ac plane nullis habentur *d. l. 9. ff. de impens. in res dot. fact. l. in fundo 38. ff. de R. V. Garf. de expens. c. 1. num. 25.* nam æquum est, neminem cum alterius damno & detrimento fieri locupletiores *per l. nam hoc natura 14. ff. de condict. indebit.*

§. III, III. Requisitum est, ut retrahat sibi solum, & in usum suum, non vero in utilitatem alicujus tertii, & in fraudem emptoris illam revocationem instituat, Si enim de eo constet, nihil agit, & oleum ac operam perdit, si ulterius instet, jusque sibi competens porro urgere velit, quia nemini dolus & fraus sua patrocinari & opitulari debet *c. si compromissarius §. 1. de elect. in 6to l. 12. ff. de dol. mal. l. 11, §. 1. ff. ad exhibend. ne ex aliena malitia alteri emergat damnum per l. ult. C. de acquir. vel retinend. poss.* Colligitur vero ejusmodi fraus inter alia ex hoc, si statim aliquis post retractum rem



rem illam in alium transfert. *arg. l. si ventri 2. §. 3. ff. de reb. autor. jud. possid.* Si autem nondum con-  
 fect, interim tamen dolus timeatur, mediante ju-  
 ramento, si alter venditor ei hoc imponat, se ab il-  
 la suspitione liberare cogitur, quod hoc modo  
 concipitur, **daß der angemassete Näherkäufer**  
**das verkaufte Gut zu seinem selbst-eigenem Ge-**  
**brauch und Nutzen, und keinem andern zum Be-**  
**sten abzutreiben gemeynet. *Reinking. quest. 2. n.*  
*513.* Neque ante illius praestationem admittitur,  
*Gail. 2. observat. 19. num. 10.* Unde inferre solent,  
 jus consanguinitatis extraneo cedi non posse. *Tira-*  
*quell. §. 26. Gloss. 1. cum deficiat in extraneo ratio*  
*ob quam concessum est hoc beneficium consan-*  
*guineo, favor videlicet sanguinis, & nimia affectio,*  
*quam habere creduntur posterii in bonis suorum*  
*Majorum l. 22. C. de administ. tut. cessante autem*  
*causa impulsiva, & finali privilegii, cessat & ipsum*  
*privilegium. c. cum cessante extr. de appellat. c. Ab-*  
*bas extr. de V. S. Gail. de arrest. imper. c. 10. num. 9.*  
 Notum insuper est, privilegia personalia personam  
 non egredi §. 6. *Inst. de J. N. G. & G. Joh. Gædd.*  
*consil. Marp. 28. num. 125. vol. 1. sed ejus assibus in-*  
*hæreret l. 3. ff. pro socio & cessibilia non esse Dyn. in*  
*cap. privilegium de R. J. in 6. Tiraquell. d. §. 26.***

E

Gloss.

*Gloss. 1. num. 29. Berlich. part. 2. concl. 2. num. 25.  
 Et part. 2. concl. 39. num. 48.*

§. IV. IV. Requisit. ut intra certum & legibus vel consuetudine determinatum tempus fiat retractio, quo elapso, tacita quædam ejus juris inducitur renunciatio, & retrahens postea non auditur *l. fin. ff. de decret. ab ord. faciend. c. pia 1. de except. in 6to. Berlich. part. 2. conclus. 40.* Id quod factum esse videtur in pœnam negligentiae illius, cui hoc jus alias competebat; sibi enim imputer, quod in retrahendo diligentiores se non exhibuerit, idcirco & damnum, quod hac sua culpa sentit, sentire non intelligitur *l. 206. de R. J.* Jura namque vigilantibus, non dormientibus, scripta sunt *l. 24. ff. quæ in fraudem credit. Gail. 1. observ. 108. num. 1.* præterea interest Reipubl. dominia rerum incerta non esse. Quale vero temporis spatium inquisitioni retrahentis sit indulgendum, simpliciter determinari nequit, sed hac in re inspicienda sunt diversa diversorum locorum statuta & consuetudines, quæ si nihil certi determinent, ad jus commune recurrendum, quo tempus anni & diei concessum est, *Gail. 2. observat. 19. num. 4. Job. Cöppen decis. 52. num. 26. Mynsing. 3. observ. 51. n. 5.* Et 7. quod etiam constitutum legitur in Sacris. *Levit.*

*vit. 25. v. 29. & 30. verb. wer ein Bohnhauf, etc.*  
 Similiter de jure Feudali feudum in remotionem  
 agnatum alienatum, intra annum revocatur. *per*  
*text. express. in c. 5. §. Titius filios. si de feud. defunct.*  
*content.* hoc idem tempus etiam de jure Saxonico  
 obtinet, ut scilicet proximus cognatus jure retra-  
 ctus intra annum & diem frui debeat, postea vero  
 excludatur. *text. express. in Novell. elect. Augusti*  
*part. 2. constitut. 13. Berlich. decis. 150. part. 1. n. 1.*  
*& seqq.* A quo vero temporis puncto, annus  
 hic suum capiat initium, & deinceps currere per-  
 gat Dd. invicem pugnant; & diversi diversas am-  
 plectuntur sententias. Nonnulli defendunt à  
 tempore initi contractus, & celebratæ emptionis  
 venditionis, principium spatii illius annui ponen-  
 dum esse. *Carpzov. constit. Elect. 52. defin. 3. Mol-*  
*ler. ad eandem num. 1. 2. 3. & seqq.* Alii vero à tem-  
 pore demum factæ traditionis, illius temporis  
 computandum esse initium contendunt. *Berlich.*  
*part. 2. concl. 40. num. 33.*

§. V. Ubi tamen probe animadverten-  
 dum, tempus hoc non currere (1.) si inter empto-  
 rem vel venditorem oriatur controversia, puta, si  
 neget, emptionem vel eam aliter impugnet, &  
 interim spatium annum præterlabatur, tunc e-

nim à tempore litis finitæ illud ipsum computan-  
dum est *Tiraquell. d. §. 7. Gloss. 10. num. 36. Balde  
tract. de jur. protim. num. 14. (2.)* Si inter empto-  
rem & consanguineum ipsum suboriantur lites, pu-  
ta si consanguineus contendat rem suam esse, eam-  
que vindicet, tunc si in illo prædicio succumbat, in-  
tra annum à tempore rejudicata nihilominus ad-  
mittitur per l. contra majores 16. C. de inoffic. testam.  
*Tiraquell. d. Gloss. 10. num. 40. Vili dolo id factum  
fuerit l. cum quidam 14. ff. de bon. possesse. Tirag. c. l.  
n. 43. (3.)* Si facta fuerit venditio lib conditione,  
pendente namq; conditione non currit præscriptio  
l. 1. in fin. C. de annal. exc. l. 1. in fin. C. de bon. mat.  
(4) Si res vendita sit cum pacto legis commissoriae lib  
additionis in diem *Tirag. d. l. n. 58. (5.)* In con-  
tractu alterius nomine celebrato currit à tempore  
rati habitionis *Bald. in l. pecuniam 9. C. de negot. gest.  
Tiraquell. d. l. num. 64. (6.)* Si justum aliquod  
intervenerit impedimentum l. 1. in fin. C. de annal.  
except. *Tirag. d. loc. numer. 124.*

§. VI. Cæterum quæri solet : An etiam  
tempus illud destinatum, & quod ad retrahendum  
indulgetur, proximioribus ignorantibus quoque  
currat? Resp. quod non. Nam ut annus retra-  
ctus currat, requiritur, ut proximus agnatus sci-  
verit

verit venditionem, ob ignorantiam enim justam  
 excusatur. *Gail. 2. observ. 19. num. 10. & Dd. com-  
 munit. ibi.* Est itaque tempus illud anni & diei,  
 quoad initium utile quoad progressum vero con-  
 tinuum, & à tempore saltem scientiæ currere inci-  
 pit. *Magnif. Dn. D. Richter. decis. 76. num. 146.* huc  
 facit, quod contra ignorantem præscriptio non  
 currat. *Myrsing. cent. 3. observat. 51. numer. 4. Job.  
 Löpp. decis. 52. num. 29.* Siquidem facultatem a-  
 gendi habere non videtur. *l. cum sex menses 55. ff. de  
 adilit. edit.* præscriptio namque in pœnam quasi  
 negligentiae introducta est. *Gail. 2. observ. 60. n. 3.*  
 iniquum præterea foret, illum puniri, qui nihil de-  
 liquit, quod sane fieret. Hoc autem annuum tem-  
 pus tam stricte observandum, ut ne quidem pur-  
 gatio moræ admittatur, licet etiam consanguineus  
 duorum aut trium dierum, imò saltem dimidiæ  
 horæ interventu moræ post tempus elapsum bo-  
 na retrahere concupiscat. *Gail. 2. observ. 19. n. 15,  
 & seqq.* quia hic annus est de forma retractus, for-  
 ma autem præcise observanda venit §. tutor autem.  
*2. Inst. de autor. tutor. l. obligari 9. §. tutor statim. 5.  
 ff. eodem.* Nisi justum sufflumen quoddam seu  
 impedimentum intervenerit, puta ob ægritudi-  
 nem vel incursum latronum, vel hibernum tem-  
 pus,

pus, quo minus intra annum uti potuerit : tunc enim iuste excusatur *l. 1. in fin. C. de annal. except. Matth. de Afflict. tract. de jur. retract. §. ut intra 30. dies n. 24.* Impeditus enim pro negligente non habetur. *Felin. in c. vigilantibus de prescript. n. 1.* Potest vero hoc Jus etiam ultima die & hora annalis temporis exerceri *Bernhard. Gräven l. 2. conclus. 19. consil. 1. n. 3.* Si enim aliquid intra certum tempus fieri debet, nihil refert, illud ultima die a hora vel intermedio determinati temporis fuisse factum. *Carpzov. d. constit. 32. defin. 2.* Quod vero anno insuper dies fuerit adjectus, ideo hoc esse existimant ad tollendam illam ancipitem controversiam, utrum dies termini computetur in termino. *vid. VVissenb. part. 1. ff. disput. 8. §. 5. Tiraqu. §. 3. Gloss. 11. n. 17. & seqq.*

§. VII. Et hæc sunt necessaria illa requisita, & vera retractus essentialia, quorum alterutro deficiente, retractum ipsum deficere certum est ; & maxime fallitur, qui hæc parum curans salvam nihilominus causam, firmoque niti talo sibi persvasum habet. Quoties namque lex plura conjunctim requirit, toties non sufficit alterum duntaxat fieri, sed utrumque adimpleri necesse est. *l. si quis 112. ff. de V. O. l. si beredis ff. de condit. instit. quod si non*

sinon fiat, consequens est, actum illum corruere,  
aut vitiosum esse *l. 8. §. 17. ff. de transact. c. dilect. §.*  
*ult. in fin. de rescript. Gail. 2. observ. 19. num. 15. 16.*  
*& seqq.*

## CAPVT V.

### OSTENDIT

## EFFECTVM ET FINEM REI.

### §. I.

**E**ffectus hujus juris est Revocatio vel Rescissio  
illius alienationis, quæ in præjudicium fami-  
liæ insciis vel ignorantibus agnatis & cognatis,  
quoad extraneum est facta, quo spectat argumen-  
tum ex *l. 74. ff. de R. J.* ut ita rescissa ejusmodi alie-  
natione bona nostra nobis debita quasi per adje-  
ctionem legitimam & legitimum acquirendi mo-  
dum magis magisque augeantur, & ita conserven-  
tur *arg. l. 5. in princip. C. ad L. Jul. Majest.* sub am-  
pliatione, quam hinc inde tradunt Interpretes, ut  
vel à tertio etiam possessore possint omni modo  
recuperari, quemadmodum docet *Gail. 1. observ.*  
*29. n. 7. Tiracq. de retr. Lin. in prefat. introductum*  
vero est in eum finem, ne bona in familias semel il-  
lata rursus auferantur, & ab iis, quibus debentur,  
di-



divellantur, sed ut eorum potius accessione familiarē crescant, & illustriores fiant.

§. II. Huc accedit, quod pax & tranquillitas publica in omni negotio civili considerari, omnes dissensionum occasiones præscindi ac propriis hoc in passu cognatorum & proximitatis ratio attendi debeat, ad quod non magis ex humana necessitate, quam ex rationis dictamine ac legis civilis dispositione, tanquam lege universali invitatamur. *l. 7. in princ. ff. de bon. damnat.*

## CAPVT VI. ET VLTIMVM

EXPONIT

## CONTRARIA.

### §. I.

**P**roperamus ad portum, agmen proinde claudit consideratio modorum, quibus hocce jus finiri solet. Tollitur autem & amittitur (1.) Renunciatione, notissimum siquidem, quemlibet juri & favori pro se introducto renunciare posse. *l. si quis 29. C. de pact.* quod tamen simpliciter ita exaudiendum non est, sed adhibita demum quadam distinctione inter renunciationem simplicem, quæ solius tantum renunciantis nititur placito, & renun-



renunciationem conventionalem, quæ in utraque  
 partium conventionem ultro citroque perficitur.  
 Priori modo cum effectu juri futuro quis in tan-  
 tum renunciaſſe non videtur, quin eo formato, &  
 ſibi delato, ſi velit, uti non poſſit, cum nemo ſibi  
 ipſi adeo firmam queat dicere legem, ut ab ea rece-  
 dere poſtmodum eidem minus integrum ſit, *l. ſi  
 quis de legat. 3.* Poſteriori vero caſu, cum talis re-  
 nunciatio non modo contineat juris alicujus priva-  
 tionem, verum etiam ſimul pactum ac obligatio-  
 nem de non petendo, effectum ſuum omnino  
 conſequitur, & renunciantem plane excludit, adeo  
 quidem, ut ſi poſt poenitentia ductus retrahere cu-  
 piat, exceptione pacti conventi de non petendo re-  
 pellatur, & ulterius non audiat *l. quæritur 1. 4. §.  
 ſi venditor. 9. ff. de adilit. edict. l. 1. §. qui ſemel 6. ff.  
 de ſucceſſ. edict. Menoch. conf. 197. n. 87.* non enim  
 debet ipſi diſplicere, quod ſemel placuit. *Quod ſe-  
 mel de R. J. in 6to.* Neque intereſt, utrum poſt,  
 an vero ante impletum venditionis contractum  
 facta ſit renunciatio, cum non tantum juris quaſitum  
 verum etiam quaerendi renunciatio ſubſiſtat *per l.  
 in plurium 70. in ſin. ff. de acquit. hered.*

§. II. RENUNCIASSE autem juri ſuo  
 non videtur 1. qui altero denunciante non expreſſe

F

renun-

denunciat juri retractus, nec venditioni consentiat, quia renunciaciones, tanquam odiosæ & stricti juris, non facile præsumuntur. *l. cum de debito 25. ff. de probat. Berl. part. 2. concl. 40. n. 28.* 2. Qui contractui tanquam testis vel Notarius interfuit, auctoritate officii, v. g. ut tutor, curator &c. consensit, admittitur intra legitimum tempus, quamvis de jure suo non protestetur, cum ex necessitate officii id facere videatur *l. sicut 8. §. non videtur 15. ff. quib. mod. pign. vel hypoth. solv. l. Cajus Sejus 39. ff. de pign. act.* 3. Qui facta denunciatione illud aliqua ex causa differt *Magnif. Dn. D. Richt. dec. 76. §. 177.*

§. III. TOLLITVR hoc jus (2) præscriptione; Reipubl. etenim interest, dominia rerum incerta non esse *l. 1. ff. de usurp. & usucap.* Injustum præterea foret EMPTOREM IN PERPETUO METV VERSARI. Hinc necessitas simul & æquitas postulavit, ut certus quidam præfigeretur terminus, intra quem, qui vult, jus suum proponere, & in judicio deducere valeret, quo vero præterlapso, jure suo caderet, & in totum illo privaretur. Jura namque vigilantibus scripta sunt *l. 24. ff. qua in fraudem Cred. & sibi imputet damnum, quod sua culpa sentit, 206. ff. de R. J.* Hæc itaque

itaque impræsentiarum dicta sufficiant de modis,  
quibus Jus retractus legitimum vel gentiliū fin-  
nitur. Quibus una & nostra hoc de Jure finitū  
Disputatio.

## SOLI DEO GLORIA.

### COROLLARIA MISCELLANEA.

I.

**J**us Retractus in solo contractu emptionis vendi-  
tionis regulariter obinet.

II.

Computatio graduum in retractu, potius se-  
cundum Jus Civile, quam Canonicum instigui de-  
bet.

III.

Juri optionis & repræsentationis locus non  
est in jure retractus.

IV.

Jus retractus de Jure Saxonico in linea colla-  
terali locum non habet.

V.

In causa matrimoniali Parentes pro libris  
testes esse possunt.

F

VI. Ad.

VI.

Advocati & Procuratores in causa Clientum suorum, quam ipsi suo patrocinio sustinent, testes idonei non sunt.

VII.

Procuratores non sunt Advocati.

VIII.

Procuratores non sunt Defensores.

IX.

Infames possunt esse Procuratores.

X.

Tempus longum in iure dicitur decennium.

XI.

Carnifices non sunt infames.

XII.

Iniqua privata vindicta est arrogatio, qua Carnificem primo ictu ab executione aberrantem lapidibus obruere vulgus audet.

XIII.

Clerici de Jure Canonico coram iudice Laico conveniri queunt.

XIV.

De Jure Canonico, non secus ac Civili, testibus injuratis non creditur, licet illi sint Clerici, ac Verbi Divini Praecones.

XV.

Confessionarii non tenentur revelare quae ipsis

ipsis à confitentibus in confessionibus auricularibus concedita.

XVI.

A processu inquisitorio neque leuterare neque appellare licet.

XVII.

De Jure Divino & Civili pœna furti capitalis non est.

XVIII.

Furtum quandoque absque animo furandi perpetratur.

XIX.

In re minima furtum fieri posse, dubium non est.

XX.

Voluntas & verba in furto, effectu non subsecuto, non attenduntur.

XXI.

Injuria absque animo injuriandi non committitur.

XXII.

Injuriam ab aliis auditam, aliis revelans, injuriarum tenetur, adeo, ut nec nominando autorem suum, liberare se ab actione possit.

XXIII.

De Jure Civili, Naturali, & Moribus, ubi-

F 3

que

que ferme recepta est injuriarum retorsio legitima.

## XXIV.

Injusta inter opifices nonnullos est recepta consuetudo, ne quis extra opificum uxorem ducat.

## XXV.

Ineptus est mos Collegiorum, quo certa sub poena prohibitum est, ne quod unus incepit, alter perficiat.

## XXVI.

Quæ filios textorum, tonsorum, opilionum, &c. à Collegiis opificum arceat, damnata est opinio.

## XXVII.

Vana & ridicula constitutio est (sicuti literatorum mos & ante annos paucos se præsentavit,) lanionum, figulorum, & aliorum, ob quam discipulos ante declarationem, baptizant, barbam radunt, & satis exagitant. &c.

## XXVIII.

Jure Feudali uterini cum fratribus Germanis & consanguineis ad successionem non admittuntur, sed ab ea plane excluduntur.

## XXIX.

Dispositio Testamentaria in feudis regulariter non habet locum.

## XXX.

XXX.

Feudum acquiritur præscriptione.

*Damit nichts leer bleibe, bat man, so viel der Platz vergönnen will, (Tit.) denen Herren Liebhabern mehrere Dispp. angeben, und darbey dienstlich melden wollen: Daß solche, wie gegenwärtige, ebenmäßig zu Jena in der Hellerischen Buchdruckerey, (mit einem gedruckten Catalogo, der noch viel 1000. Stücke, von allerhand in alle Facultäten einschlagende Dispp. in sich faßet,) um billigen Preis zu haben sind, als:*

Dornii de eo quod est iustum circa legationes assiduas, opposita potissimum H. Grotio L. II. de J. B. & P. c. XVIII. §. 3. No. 2.

Dieterichii de iteratis imperatorum coronationibus Germanicis.

Ejusdem de nummi Ludovici XII. Galliz R. inscriptio: ne: Perdam Babylonis Nomen.

Eckhardi duo per antiqua monumenta annis A. 1718. & 1732. ex agro Juterbocensi eruta atque reperta, cum idolis Slavorum Juterbocensium, lucisque hujus loci inter gentiles lacris, quibus accesserunt scriptores rerum Juterbocensium editi ac inediti ex variis antiquitatum Documentis, cum indice, explicans & illustrans, cum fig.

Ejusdem Discours von denen schwer zu bekehrenden Wenden, und daher eingeführten frembden Teutlihen Adel in dem Mecklenburgischen.

Einleitung in die Universal-Historie, nach denen Haupt-Veränderungen, so sich in der VVelt zugetragen.

Eckhards beschriebene Helden-Thaten des Durchl. Fürsten,

Fürsten, Hertzog Johann Adolphs zu Sachsen-Weissenfels.

ab Eccard introductio ad historiam Germaniæ, seu notitia scriptorum rerum Germanicarum.

Eckhardi de pedo episcopali, occas. baculi s. quod in secretario templi ad D. Servatii Quedlinb. asservatur, conscripta.

Franci de gravaminibus nationis Germanicæ Norimbergenf. adversus curiam Romanam ab erroribus scriptorum vulgaribus libertatis.

Frommans Beschreibung der Stadt Alt-Brandenburg in der Mittel-Märck, mit Anmerckungen versehen von M. Casp. Gottschling.

Frankæ Triscamerarius S. R. I. è diplomatibus restitutus, ejus officii in aulis veterum Germ. regum ac imperat. nobil. prist. indoles. Prooemium exhibet notitiam scriptorum de officiis S. R. I. aulicis.

Frencelii de origine episcoporum.

Fehmelii Mariam I. reginam Angliæ, quibusdam politicis & moralibus observationibus illustratam, expon.

Gleichmanns Historische Merckwürdigkeiten von Friederico III. Sapiente, warum er die angetragene Kæyserliche Würde nicht angenommen.

Ejusd. Erneuerte Zeugnisse von Hertoglichen Cronen.

Ejusd. von der Procuratur des H. R. R. denen Landgraven von Thüringen zukommend.

Ejusd. Die auf der Sächsischen Pfaltz Grafen-Würde habbende hohe Rechte.

Ejusdem von dem Sächsischen Ursprunge der Groß-Britannischen Monarchen.

F I N I S.

411475291





